


DE SITU TELLURIS

Exercitatio Geographica habenda

In Collegio Romano Societatis JESU

A PATRIBUS EJUSDEM SOCIETATIS

Anno 1725. Mense Augusto . Die Hora



ROMÆ, MDCCXXV.

Typis Komarek, in Via Cursûs prope Plateam Sciaræ.
Superiorum Facultate.

THE
JOURNAL OF THE
ROYAL ANTHROPOLOGICAL INSTITUTE
OF GREAT BRITAIN AND IRELAND
VOLUME 34. PART 1. 1904.



ROBERT HODGKIN, F.R.S.
EDITOR.
LONDON: PUBLISHED BY THE
Royal Anthropological Institute of Great Britain and Ireland,
21, BEDFORD SQUARE, W.C.1.

A. M. D. G.



X quo ad excusanda Mercurii, Veneris, Martisque phenomena solidos Orbes confregit Tycho, & Coelo deturbavit; mirum quantum incaluerit vetus diffidium de Telluris situ, quam Philosophorum alii in Mundi centro quiescentem volunt, alii omnem lapidem movent ut Planetis accenseant, qui circa

Solem, & proprium axem convertuntur. Exercitationis Geographicae gratia in notum argumentum ad Telluris quietem contra validissimos oppositae sententiae impetus defendendam.

PROPOSITIO I.

PROBLEMA.

Corporis in girum acti vis centrifugam definire.

Experimento constat corpore A in girum acti circa centrum C tendi filum AC, cumque ad filum tendendum duplex vis requiratur, quarum altera mobile A nhtur a centro recedere, altera recessus impeditur, primam vim *centrifugam*, secundam *centripetam*, vel *attractivam*, utramlibet indiscriminatim *centralem* recentioribus Geometris libuit appellare. Centro autem mobilis circumferentiam circuli describente, oppositarum virium alteram alteri aequari necesse est, nam alterutra praevalente constans a centro motus distantia minime servaretur. Ergo determinata unius quantitate alterius quantitas innotescit. His positis quaeritur quanta sit vis centrifuga corporis in circulo revoluti? Dico aequari quadrato velocitatis qua mobile circumagitur diviso per diametrum circuli, quem describit. Probatur. Ducta utcumque tangente AB, completoque rectangulo ABDE, si mobile A sollicitetur duplici impetu per AB, & per AE, quorum ratio ut AB ad AE, constat ex mechanicis fore, ut mobile concipiat motum ex utroque compositum decurrendo diametrum AD rectanguli ABDE velocitate AD. Ergo vis qua retrahitur a motu per tangentem AB est AE. Sed per 14. e. 2. rectangulum FEA aequatur qua-

Vid. fig. 1.

drato ED, additoque communiter quadrato EA rectangulum FAE per 47. e 1. æquatur quadrato ED, & divisione rectanguli FAE per FA resultat AE: Ergo etiam divisione æqualis quadrati AD per priorem divisorem resultabit eadem AE. Atqui hoc subsistit utcumque imminutis AB, AE donec chorda AD æquipolleat arcui, quem subtendit. Ergo vis centrifuga corporis circumacti æquatur quadrato velocitatis quæ elemento temporis elementum circumferentiæ, vel sumptis æquemultiplicibus dato tempore datum arcum circumferentiæ absolvit diviso per diametrum circuli, quem describit.

Corollarium.

Inæqualium mobilium virtutes motrices variantur tam pro diversâ velocitate, quam pro diversâ mobilium mole, densitate, & mediorum permeandorum resistantiâ. Ergo, si motu circulari incitentur, ipsorum virtutes centrifugæ erunt in compositâ ratione molis, densitatis, resistantiæ medii, & quadrati velocitatis divisi per diametrum circuli, quem describunt. Id ipsum in sequentibus; pro ut opus fuerit, est intelligendum.

PROPOSITIO II.

PROBLEMA.

Planetarum circumsolarium vires centrifugas invenire.

Divisâ mediâ Solis a Terrâ distantîâ in partes æquales 10, earundem partium media Solis a Mercurio distantia proximè continet 4, a Venere 7, a Marte 15, a Jove 52, a Saturno 95, quorum intervallorum acutillimâ comparatione Keplerus mirificâ planè solertiâ invenit cubos distantiarum à Sole proportionales esse quadratis temporum, quibus Planetæ circa Solem convertuntur, eandemque legem a Satellitibus Jovis, & Saturni comitibus postmodum servari comperitum est. Stante hujusmodi analogiâ quaeruntur Planetarum circumsolarium vires centrifugæ? Dico esse in ratione duplicatâ reciprocatâ distantiarum a Sole. Probatur. Assumantur duo quivis Planetæ A, & B puta Venus, & Mercurius, quorum

sum in *fig. 2.* distantia a Sole C sint ut 7. ad 4. Erit horum intervallo-
rum ratio triplicata ut 343 ad 64, quæ ex hypothesi
æquatur rationi temporum duplicatæ. Ergo tempus perio-
dicum Planetæ A ad tempus periodicum Planetæ B est ut radix
quadrata. 343 ad radicem quadratam 64 cumque circumfe-
rentiæ circulo-
rum sint ut radii, & velocitates quibus circum-
ferentiæ decurruntur. sint ut spatia divisa per tempora, erit
velocitas A ad velocitatem B ut 7 divisum per radicem qua-
dratam 343, ad 4 divisum per radicem quadratam 64; atque
utrinque quadrando erit quadratum velocitatis A ad quadra-
tum velocitatis B ut 49 : 343, ad 16 : 64 sive redactis fractio-
nibus ad minimos terminos ut 1 : 7, ad 1 : 4. Sunt autem *per*
precedens problema vires centrifugæ ut quadrata velocitatum
per circulo-
rum diametros divisa. Ergo vis centrifuga Veneris
ad vim centrifugam Mercurii ut 1 : 98 ad 1 : 32, sive ut 32 ad
98, & sumptis subduplis ut 16 ad 49 quæ est ratio duplicata
reciproca distantiarum.

Corollarium.

Si Planeta ultra motum circa alium centalem revolvatur
præterea circa proprium axem vires centrifugæ binorum
punctorum quæ assumantur in Planeta circa suum axem re-
voluto erunt ut distantia punctorum assumptorum ab axe.
Etenim puncta illa describent eodem tempore circulos per-
pendiculares axi, & quorum radii erunt distantia ab axe.
Ergo velocitatum quadrata erunt ut quadrata diametrorum.
Sed quadrata diametrorum divisa per diametros sunt ut dia-
metri. Ergo velocitatum quadrata divisa per diametros, nempe
vires centrifugæ erunt ut diametri, vel sumptis subduplis
ut semidiametri sive distantia ab axe.

PROPOSITIO III.

PROBLEMA.

*Investigare rationem virium centralium in hypothesi
Telluris motu annuo, & diurno revolatæ.*

Coniungat in *fig. 3.* & 4 recta ST centrum Solis, ac
Terræ,

Terræ, planoque ducto per axem Telluris Pp, & rectam TS, quæ erit axis illuminationis terrestris, representent circulus ABCT meridianum terrestrum. Liquet ab axe illuminationis TS posse constitui angulos rectos *ut in fig. 3*, vel obliquos *ut in 4* cum axe Telluris Pp. Sed quicumque anguli constituentur, si Tellus motu diurno absolvat unam revolutionem circa suum axem Pp, puncta extra axem terrestrum posita, qualia sunt A, & C circulos describant, quorum diametri AB, CD, & *per corollarium probl. 2.* vim centrifugam concipient ab axe Pp in ratione radiorum TA, EC. Huic revolutioni diurnæ accedat annua, quæ Telluris centrum T. circa Solem S in plano Eclipticæ revolutum orbitam describat spectatis motibus mediis circularem, eadem puncta A, & C novos circulorum arcus circa centrum Solis gignent. Ergo novam vim centrifugam concipient a Sole, & quia ob ingentem Solis a Terra distantiam circulorum radii AS, CS considerari possunt tanquam æquales, & paralleli, etiam vis centrifuga a Sole respectu quorumvis punctorum terrestrium A, & C haberi potest ut constans. Quæritur ratio virtutis centrifugæ diurnæ ad annuam assumpto quovis puncto A, vel C extra axem terrestrum. Dico in æquatore esse ut 6. ad 1.; extra æquatorem ab hâc ratione decrescere pro decremento diametri paralleli infra diametrum æquatoris. Probatur: Inæqualium circulorum arcus dissimiles sunt in ratione compositâ radiorum, & minorum, quibus constant. Ergo assumpto puncto A in æquatore, arcus descriptus tempore unius secundi circa axem Pp ad arcum descriptum circa Solem S erit in ratione compositâ TA ad AS, vel TS, & minorum quibus constat motus diurnus ad minuta debita motui annuo pro tempore assumpto. Sed juxta Cl. Cassinum media distantia Solis a Terra est semidiametrorum terrestrium 22000. & motus diurnus debitus uni secundo horario est secundorum 15; motus verò annuus eidem tempori debitus est tertiorum 2, quattorum 28, quantus videlicet est motus medius Solis pro tempore assumpto. Ergo arcus decursus motu diurno ad arcum decursum motu annuo rationem habet compositam ex 1. ad 22000. & 15 secundorum ad 2 tertia, & 28 quarta, sive 54000 ad 148 scilicet rationem 54000 ad 3256000, vel 54 ad 3256. quæ est ratio velocitatis diurnæ ad annuam. Dantur igitur velocitates, quarum quadrata per circulorum descriptorum diametros divisa *ex probl. 1.* detegent rationem virium centralium ut 1458

ad 241, vel 6 ad 1. Rursus assumpto extra æquatorem puncto C per coroll. probl. 2. vis centrifuga diurna in C ad vim in A est ut EC ad TA, quæ innotescet faciendo ut TA ad EC ita 6 ad quartum proportionalem, cumque vis centrifuga annua consilans assumatur, erit puncti C vis centrifuga diurna ad annuam ut quartus proportionalis inventus ad unitatem.

Corollarium.

Cl. Cassinus jussu regio Terram metitus, unum Terræ gradum hexapedarum 57292. deprehendit. Ergo arcui 15 secundorū æquatoris terrestris ininputabuntur pedes parisiens. 1432. 3 pro mensura motus diurni sub æquatore terrestri, factisque ut 54 ad 3256, ita 1432. 3 ad quartum proportionalem, erit motus annuus tempore unius secundi horarii in systemate motus Telluris pedum parisiens. 86362. 38

PROPOSITIO IV.

PROBLEMA.

Pondere circulariter moto velocitate, quam acquirit descendendo ex altitudine subquadrupla diametri, inquirere rationem virtutis centrifugæ ad vim gravitatis, qua descensus inchoatur.

In fig. 5. Descendat pondus ex quiete per verticalem AB subquadruplam diametri CB, & velocitate hoc descensu acquisita convertatur motus rectus in circulare, decurraturque elementum circumferentiæ BD tempore æquali ei, quo vi gravitatis descendendo absolvitur elementum AF spatii AB. Quæritur ratio virtutis centrifugæ ad ponderis gravitatem? Dico vim centrifugam æquari gravitati ponderis expositis conditionibus revoluti. Probatur. Ex motus accelerati legibus, si pondus moveretur ab initio retentâ constanter velocitate, quam acquirit in B quo tempore decurrit AB absolveret spatium duplum, quale est GB: sed ex hypothese decurrit elementum circumferentiæ BD velocitate quam acquisivit in B: Ergo tempus descensus per AB ad tempus revolutio-

lutionis per BD est ut GB ad BD : Atqui etiam ex hypothesi tempus revolutionis per BD , æquatur tempori descensus per AF ; ergo GB ad BD est ut tempus descensus per AB ad tempus descensus per AF ; cumque in motu accelerato spatia ab initio motus emensa sint in duplicatâ temporum ratione , erit ut quadratum GB ad quadratum BD , ita spatium AB ad spatium AF . Ponatur itaq $GB = r$, $BD = a$, $AB = r : 2$ eritq ; $AF = aar : 2rr = aa : 2r$ quæ per 1. *probl.* æquatur virtuti centrifugæ . Ergo cum vires motrices sint ut spatia æqualibus temporibus ipsarum impulsu emensa , erit vis centrifuga æqualis gravitati ponderis expositis conditionibus revoluti .

Corollarium.

Cum corpora circumterrestria non alligentur centro Telluris aliquo retinaculo , sed gravitate centrum versus urgeantur , si Tellus circa suum axem rotaretur velocitate majori eâ quam corpora terrestria acquirerent descendendo ex quiete per altitudinem subquadruplâ diametri terrestris vis centrifuga prævaleret ipsorum gravitati , atque a centro repellerentur . Sed positâ ratione circumferentiæ ad diametrum quæ 355 ad 113 , multiplicando hexapedas uni gradui circuli terrestris debitas , vel pedes parisen. 343752 per 90 , erit quadrans circumferentiæ terrestris pedum 30937680 , & quia ut circumferentia ad diametrum , ita quadrans circumferentiæ ad quadrantem diametri , multiplicato quadrante invento per 113 , & dividendo productum per 355 , erit terrestris diametri quadrans pedum 9847768.56 , cumq ; per *prop.* 25. *Hugenii* , De centro oscillationis , grave uno secundo horario ex quiete descendens absolvat pedes paris. 15. 08 , & spatia motu accelerato confecta sint ut quadrata temporum , diviso 9847768. 56 per 15. 08 quotus 653035. 05 erit quadratum temporis cadendo impensâ , cujus radix 808 dat minuta secunda horaria , quibus casus absolvitur , & dividendo spatium emensum 9847768. 56 per tempus 808 , resultat velocitas media subdupla maximæ pedum 12188 , unde velocitas acquisita casu per quadrantem diametri terrestris uno secundo horario apta est absolvere pedes 24376 . Ergo velocitate diurnâ nequeunt gravia a centro removeri quod vis centrifuga motus diurni oriatur ex velocitate 1432. 3 , & vis centrifuga æqualis gravitati corporum ex velocitate 24376 .
PRO-

P R O P O S I T I O V.

P R O B L E M A.

Detegere rationem gravitatis ad vim centrifugam diurnam, atque annuam in Systemate motæ Telluris.

Assumatur primò in *fig. 3.* corpus A sub æquatore, & detegenda sit ratio gravitatis ad vim centrifugam diurnam, atque annuam? Dico pondus A ad vim centrifugam diurnam esse ut 174 ad 6, atque ad annuam ut 174 ad 1. Probatur. Vires centrifugæ in circulis æqualibus sunt in duplicata ratione velocitatum. Ergo vis centrifuga diurna ad gravitatem ponderis A *per coroll. 3. & 4. probl.* est in duplicata ratione 1432. 3 ad 24376 : sed dividendo quadratum consequentis per antecedentem prodit 41485, quo diviso per 1432. 3 resultat 28.96 sive 29. Ergo vis centrifuga diurna ad pondus A est ut 1 ad 29, vel sumptis sextuplis ut 6 ad 174. Cumque *ex probl. 3.* annua ad diurnam sit ut 1. ad 6. erit annua ad pondus assumptum ut 1. ad 174. Assumatur secundo corpus C extra æquatorem. Dico pondus ad vim centrifugam diurnam esse ut 174 ad quartum proportionalem post TA, EC & 6; ad annuam verò in ratione prius inventa. Probatur. *Per coroll. probl. 2.* vis centrifuga diurna in C ad vim in A est ut EC ad TA, atque *ex modò ostensis* gravitas ad vim centrifugam diurnam in A ut 174 ad 6: Ergo gravitas ad vim centrifugam diurnam in C ut 174 ad quartum proportionalem post TA, EC, & 6. Cumque vis centrifuga annua constans assumatur, erit ratio gravitatis ad vim centrifugam annuam in C eadem quæ in A.

Corollarium.

Non sunt hîc confundendæ quantitates virium agentium cum ipsarum momentis, quæ diversa sunt pro diversitate inclinationum per quas agunt, ut in *fig. 3* respectu ponderis A tam gravitas, quam vis centrifuga diurna, atque annua agunt per directionem verticalem TA: at respectu ponderis C gravitas agit per directionem verticalem CT, vires autem centri-

trifugæ diurna, atque annua per directionem inclinatam EC. Quare si ponderis in A collocati gravitas absoluta ponatur divisa in partes æquales 174, vis centrifuga diurna auferet partes 6 actione à T versus A, & vis centrifuga annua addet 1. actione ab S versus A : Ergo gravitas relativa qua pondus agit versus T erit $174 - 6 \pm 1 = 169$. Sed si idem pondus transferatur in C, sitque TA ad EC ratio 5. ad 4. erit *ex mechanicis* momentum ponderis C secundum CT ad momentum secundum CE ut CT, vel TA ad CE. Quare factis ut 5. ad 4, ita 174 ad 139. 2, hoc erit momentum ponderis C secundum lineam CE, & rursus factis ut 5. ad 4, ita 6 ad 4.8 hæc erit vis centrifuga ab E. Ergo gravitas relativa ponderis C secundum directionem obliquam CE erit $139.2 - 4.8 \pm 1. = 135.4$

Denique factis ut 4 ad 5, ita 135. 4 ad quartum proportionalem 169. 25, erit hæc gravitas relativa ponderis C secundum verticalem CT, unde momentum ejusdem ponderis majus est in C quam in A. Ex quo assertores Terræ motæ coguntur admittere maria altius attolli sub æquatore, quam extra lineam æquinoctialem ad æquilibrium aquarum conciliandum. Eadem de causâ suspensio pondere ex librâ elastica tubo cylindrico inclusa, pondus ad eandem altitudinem consistere non deberet interdum, nocturne, ob inæquales compressiones spiræ chalybeæ a pondere, cujus momentum variatur pro diversâ inclinatione virium centralium ad lineam verticalem.

PROPOSITIO VI.

THEOREMA.


Telluris motæ Systema ex phenomenis impugnare.






Assumantur in fig. 3. bina æqualia pondera in A, & B, quorum gravitas absoluta divisa concepiatur in partes æquales 174. Vi centrifuga diurna impelletur A versus S, & vi centrifuga annua versus T : Sed *per probl. 5.* gravitas ad vim centrifugam diurnam est ut 174 ad 6, & diurna ad annuam ut 6. ad 1 : Ergo ex binis viribus centrifugis directè oppositis orietur vis centrifuga a T ut 5, cui renitetur gravitas absoluta ponderis A elisis partibus 5 suæ gravitatis, adeoque relinquetur ponderi A gravitas relativa partium 169. At in loco B quo-

B quoniam vis centrifuga ab S est pariter vis centrifuga a T , renitetur pondus B vi centrifugæ a T partibus 6 , & vi centrifuga ab S parte 1. suæ gravitatis ita , ut relinquatur ponderi B gravitas relativa partium 167 elisis partibus 7. gravitatis absolutæ . Non ergo A æquiponderat , sed præponderat ipsi B . Idem discursus instituitur de binis quibusvis æqualibus ponderibus æquidistantibus a centro T , & positus in recta SB . Idem pro portionali modo ostenditur de ponderibus æqualibus C , & D , reliquisque positus in SD , atque adeo de omnibus corporibus existentibus in hemisphærio illuminato respectu existentium in hemisphærio obscurato . Ergo hemisphærium illuminatum præponderabit obscurato , atque ambo simul a Sole in infinitum recedent contra phænomena . Quare Tellus revolutione diurna circa axem proprium , atq; annua circa Solem nequaquam movetur .

Corollarium .

Posita Mercurii altitudine in barometris pollicum parisiensium 28. pro pondere athmosphæræ, si Tellus circa Solem, & proprium axem converteretur, pondus athmosphæræ in meridie ad pondus in mediâ nocte , sub æquatore se haberet ut 169. ad 167. Ergo factis ut 169. ad 167. ita pollices parisiens. 28, sive lineæ 336 ad quartum 332. altitudo Mercurii in mediâ nocte ab altitudine in meridie decresceret tertia parte pollicis parisiensis . Extra æquatore verò parte proportionali inveniendâ ex dictis in *Corollario probl. 5.*





Indice

1. *Series Actorum in Canonizatione S. Thomae, collat-
lanova.*
2. *Relazione dell'Apparato in S. Pietro per la Canoniza-
zione di S. Tommaso di Villanova*
3. *Copie de lettres à l'Evêque de Rennes sur les Cérémo-
nies observées dans la Canonisation de S. François de
Sales.*
4. *Dichiarazione della mistica l'igna esposta etc. 1669 -*
5. *Bernardini Oratio de celsica S. Petri Cathedra. 1629 -*
6. *Carbayal Sermon de la Conception de M. V. 1733.*
7. *Menzini Oratio in funere Leonis X. 1701.*
8. *Blasii Garcia Oratio in funere Alex. Farnesii, Ducis
Parmae, et placentie. 1598*
9. *Orsi Oratio De B. Catharina de Ricciis. 1733.*
10. *Munaxho. Orazione funebre per il Duca ultimo
d'Urbino, Francesco M. 11.*
11. *Cavero. Oracion funebre pour el J. Pantaleon.
Garcia. 1725.*
12. *Leone di S. Joanni. Panegirico di S. Federico. R. di Franco.*
13. *De situ Telluris Exercitatio Theologica 1725*

